



Senin, 16 Agustus 2021
Ogen: Galati 5:13-16



Njagai Kebebasen



Lit 2 jenis kebebasan, eme: kebebasan i bas kai nari janah kebebasan guna kai (untuk apa). Kebebasen i bas kai nari? Umpamana: kebebasan i bas penjajahan, perbudakan, keterketekanan. Kebebasen guna kai ertina siangkai kebebasan e guna si mehuli entah lahang.

Ibas teks enda, eme kebebasan guna kai (untuk apa). Kita selaku kalak si enggo ibebasken i bas kuasa dosa nari. Dage kai tanggung jawab selaku kalak si enggo ibebasken? Perbahanenta lanai bagi kalak si tertindas. Rasul Paulus nurikenca maka jagailah kebebasanndu ertina banci jadi usihen. Kebebasen si enggo lit e dalanta ncidahkan keleng ate saphi kita manusia; sisampat-sampaten ras sihamaten selaku kalak si tahu-tahu enggo bebas i bas kusa dosa si ngerim-rim kita.

Aristoteles ngatakenca maka manusia enda *animale rational* si ertina manusia adalah binatang yang berakal budi. Bage me jadina, adi lanai ipakeken akal budi/ hikmat si ibereken Dibata guna njagai kebebasan e, maka kebebasan e enggo bali ras binatang. Bagi rubia-rubia si karaten, si atahen si mahanca kernep persadan e (ay. 15). Enggo bebassa lanai lit aturen i bas kegeluhenna.

Emaka labo lit manusia nggeluh sebebaskan. Tapi lit nge aturen-aturen si ngiket kita. Norma i bas masyarakat, aturen i bas adat. Selaku kalak si erkiniteken lit perintah Dibata bagepe Hukum Taurat si mahanca kita nggeluh ratur dengen mehuli. Segelah kebebasan e, kebebasan si erguna man manusia dengen man doni enda.

Selaku moria, siinget maka kita pe enggo ibebasken i bas biak-biak si la ngena ate Tuhan eme si mpeturah perubaten ulih cian dengen dendam. Kalak si enggo ibebasken nge ngasup mbebaskan kalak si deban arah kegeluhenna. Alu bage kita enggo nggeluh erbage kepe. Em erbahansa kita pe nggeluh alu dame.